

Durante su Asamblea General

AHATA a eligi su Directiva nobo pa 2007

ORANJESTAD - Durante e Asamblea General cu a tuma luga recientemente na Renaissance Convention Center, e Aruba Hotel and Tourism Association a eligi su Directiva nobo pa 2007. Comerciante Alfonso Riveroll di Aruba Resort & Casino a mantene su posicion como Director di e Directiva, sigui pa Bucuti su Ewald Biemans, Promé Vice Director, y Di Dos Vice Director Warren Stanley, di Atlantis Adventures. Marriott su Rick Zeolla lo sigui como Tesorero, mientras cu Alex Nieuwmeijer di Divi Resorts a wordo re-eligi como Secretaria. E Junta di Directornan, consistiendo di Scott Allen-Hyatt, Bill Carson - Caribbean Mercantile Bank, Eduardo de Veer-Renaissance, Lisette Malmberg - De Palm Tours, David Smith - Valero and Peter Steinmetz - Aruba Airport Authority, a keda mescos. E directiva tambe a yama bonbini na dos miembro adicional - Gary Jutz, Gerente General di Radisson Aruba Resort & Casino y Guillermo Valencia, Gerente General di Holiday Inn Sunspree.

Durante e Asamblea General, CEO Jorge Pesquera tambe e delinea e filosofia nobo di AHATA: "Essential by Design: I3". Pesquera a splica cu tabata e meta di AHATA pa bira un contribuidor esencial na e presentacion comercial di su miembronan, diseñando su organizacion pa asina cumpli cu e meta aki. E tres "I"nan - Inspiracion, Imaginacion y Innovacion lo wordo rekeri ora di tuma cualkier decision, ademas di tin un ekipo di gerencia entusiastico y enfoca.

Un analisis di e situacion na 2006 a muestra bahadanan significant den tur area, for di Cifranan di Ocupacion (bahando cu 11.6%) te cu e cantidad di bishitante (bahando cu 10.15%). Pa contra-aresta e caidanan aki, Pesquera a delinea AHATA su Prioridadnan Strategico pa e aña benidero, diseña pa yuda aumenta Aruba y su producto turistico.

AHATA su prioridadnan pa 2007 ta inclui Mercadeo di Destinacion pa Grupo y "Leisure", Advocacia y



Servicio pa Sostene Miembro, un Plan Strategico Nacional pa Turismo, Desaroyo di Fondo pa Mercadeo y un Plataforma Directo pa Consumidoman. Mientras cu e Rapport di Tesorero a muestra un resultado netto positivo di \$1.3 Mion pa 2006, e noticia aki a wordo compana pa e hecho menos positivo cu 2007 lo ta yen

di reto grandi pa AHATA, incluyendo e Rekisitonan nobo pa Paspoort Mericano, Gastonan mas Halto pa Haci Negoshi (BBO), Fondonan Limita pa Mercadeo y Reserbanan Bashi.

Apesar di e retonan, AHATA lo sigui cu su iniciativanan di mercadeo y servicionan di

miembro, cu sosten financiero di e asociacion su presupuesto nobo cu a wordo aproba durante e Asamblea General. Ta berdad cu e isla a mira un caida den turismo na 2006, pero AHATA ta prepara pa enfrente e asuntunan dificil y traha hunto pa un miho producto turistico riba nos isla.

